

Na osnovu člana 16. stav 4. Zakona o Vladi Zeničko-dobojskog kantona–Prečišćeni tekst („Službene novine Zeničko-dobojskog kantona”, broj 7/10) i Zaključka Vlade Zeničko-dobojskog kantona, broj: 02-38-26143/12. od 15.11.2012. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 110. sjednici, održanoj dana 08.05.2013. godine, d o n o s i

## **ZAKLJUČAK**

**o utvrđivanju principa i elemenata upisne politike na Univerzitetu u Zenici, elemenata politike stipendiranja studenata sa prebivalištem na području Zeničko-dobojskog kantona i elemenata politike smještaja studenata sa prebivalištem na području Zeničko-dobojskog kantona u studentske centre u Federaciji Bosne i Hercegovine**

### **I.**

- (1) Utvrđuju se principi upisne politike na Univerzitetu u Zenici:
- a) Usklađenost upisne politike sa potrebama tržišta rada i društva;
  - b) Koordinacija politika Univerziteta u Zenici sa politikama institucija rada i zapošljavanja;
  - c) Uključenost udruženja poslodavaca u donošenje upisne politike;
  - d) Informiranost budućih studenata prilikom izbora fakulteta o stanju na tržištu rada i mogućnostima zapošljavanja nakon sticanja diplome;
  - e) Stimuliranje svršenih srednjoškolaca da se obrazuju za deficitarna zanimanja;
  - f) Povećanje broja studenata na fakultetima tehničkih nauka;
  - g) Povećanje omjera studenata drugog ciklusa studija u odnosu na prvi ciklus studija;
  - h) Stimuliranje pripadnika romske nacionalnosti, svršenih srednjoškolaca, da nastave školovanje;
  - i) Stimuliranje osoba s invaliditetom da se uključe u visokoškolsko obrazovanje;
  - j) Stvaranje prostornih uvjeta za povećanje broja upisanih studenata na Univerzitet u Zenici i povećanje kvaliteta nastave postojećeg broja upisanih studenata;
  - k) Stvaranje kadrovskih uvjeta za povećanje broja upisanih studenata na Univerzitet u Zenici;
  - l) Korištenje kapaciteta privrede Zeničko-dobojskog kantona za praktičnu nastavu na Univerzitetu u Zenici.
- (2) Utvrđuju se elementi upisne politike na Univerzitetu u Zenici za akademsku 2013/2014. godinu:
- a) Povećana kvota u Planu upisa za deficitarna zanimanja;
  - b) Osnov za utvrđivanje deficitarnih zanimanja na području Zeničko-dobojskog kantona, a za koja se studenti obrazuju na Univerzitetu u Zenici:
    - najtraženija zanimanja na području Zeničko-dobojskog kantona za koja se studenti obrazuju na Univerzitetu u Zenici prema podacima Službe za zapošljavanje Zeničko-dobojskog kantona,
    - deficitarna zanimanja na području Kantona za koja se studenti obrazuju na Univerzitetu u Zenici prema podacima Privredne komore Zeničko-dobojskog kantona,
    - potrebe poslodavaca u Zeničko-dobojskom kantonu za zanimanjima za koja se studenti obrazuju na Univerzitetu u Zenici prema podacima Federalnog zavoda za zapošljavanje,
    - potražnja za zanimanjima za koja se studenti obrazuju na Univerzitetu u Zenici na tržištu rada prema podacima iz Informacije o stanju i načinima zapošljavanja visokoobrazovanih kadrova na području Zeničko-dobojskog kantona;
  - c) Deficitarno zanimanje, utvrđeno na osnovu kriterija iz alineje b), na Univerzitetu u Zenici je diplomirani inženjer građevinarstva;
  - d) Povećana kvota redovnih studenata (finansira Osnivač) na studijskom programu Građevinarstvo u odnosu na prethodnu akademsku godinu;

- e) Niža upisnina za redovan samofinansirajući studij na studijskom programu Građevinarstvo u odnosu na ostale studijske programe;
- f) Povećan omjer redovnih samofinansirajućih/vanrednih studenata u odnosu na redovne studente koje finansira Osnivač za zanimanja kojih na evidenciji Službe za zapošljavanje Zeničko-dobojskog kantona ima više od 10;
- g) Pravo pripadnika romske nacionalnosti na bezuvjetan upis na teret Osnivača (izvan ukupne kvote utvrđene Planom upisa);
- h) Pravo osoba s invaliditetom, preko 70%, na upis na teret Osnivača (izvan ukupne kvote utvrđene Planom upisa).

## II.

Utvrđuju se elementi politike stipendiranja studenata sa prebivalištem na području Zeničko-dobojskog kantona za akademsku 2012/2013. godinu:

- a) Dodjela stimulativnih bodova za utvrđena deficitarna zanimanja;
- b) Osnov za utvrđivanje deficitarnih zanimanja na području Zeničko-dobojskog kantona:
  - najtraženija zanimanja na području Zeničko-dobojskog kantona prema podacima Službe za zapošljavanje Zeničko-dobojskog kantona,
  - deficitarni kadrovi na području Kantona prema podacima Privredne komore Zeničko-dobojskog kantona,
  - potrebe poslodavaca u Zeničko-dobojskom kantonu prema podacima Federalnog zavoda za zapošljavanje,
  - potražnja za određenim zanimanjima na tržištu rada prema podacima iz Informacije o stanju i načinima zapošljavanja visokoobrazovanih kadrova na području Zeničko-dobojskog kantona;
- c) Deficitarna zanimanja na području Zeničko-dobojskog kantona, utvrđena na osnovu kriterija iz alineje b):
  - građevinski inženjer,
  - inženjer elektrotehnike,
  - doktor medicine,
  - magistar farmacije;
- d) Pravo pripadnika romske nacionalnosti na bezuvjetnu dodjelu stipendija;
- e) Dodjela stimulativnih bodova:
  - studentima s invaliditetom,
  - posebno nadarenim studentima,
  - na godinu studija,
  - studentima slabijeg materijalnog stanja,
  - studentima bez oba roditelja.

## III.

Utvrđuju se elementi politike smještaja studenata sa prebivalištem na području Zeničko-dobojskog kantona u studentske centre u Federaciji Bosne i Hercegovine za akademsku 2013/2014. godinu:

- a) Dodjela stimulativnih bodova:
  - studentima s invaliditetom,
  - studentima slabijeg materijalnog stanja;
- b) pravo pripadnika romske nacionalnosti na bezuvjetan smještaj (odnosi se na redovne studente romske nacionalnosti koji se prijavljuju na konkurs za smještaj u studentskim domovima/centrima u Federaciji Bosne i Hercegovine s kojima je Vlada Zeničko-dobojskog kantona potpisala ugovor o subvencioniranju usluga smještaja i ishrane, i to na studente koji ne žive u mjestima gdje su smješteni fakulteti na koje su upisani, kao i na studente koji nemaju najnužnije stambene uvjete stanovanja).

**IV.**

Zadužuju se Ministarstvo za obrazovanje, nauku, kulturu i sport i Univerzitet u Zenici da realiziraju ovaj zaključak u skladu sa zakonom i podzakonskim aktima, svako u okviru svojih nadležnosti.

**V.**

Zaključak stupa na snagu danom donošenja.

Broj: 02-\_\_\_\_\_ /13.

Datum, 08.05.2013. godine

Z e n i c a

**PREMIJER**

*mr.sci.Fikret Plevljak, dipl.ing.*

DOSTAVLJENO:

1x Ministarstvo za obrazovanje, nauku, kulturu i sport,

1x Univerzitet u Zenici, Rektorat, Fakultetska 3 (putem ministarstva),

1x a/a.